

Adnan Bašić

1. Pitanje postavljeno Federalnom ministarstvu obrazovanja i nauke i Ministarstvu prosvjete i kulture Republike Srpske: „Svjedoci smo nekontrolirane ekspanzije privatnih univerziteta i fakulteta, koji dodjeljuju diplome upitne vrijednosti, što pokazuju primjeri nemogućnosti verifikacije tih diploma na univerzitetima izvan BiH, te prilikom konkuriranja za zapošljavanje u državnu službu. Stoga tražim od Federalnog ministarstva obrazovanja i nauke i Ministarstva prosvjete i kulture Republike Srpske da mi dostave strategije zaštite studenata i mogućih studenata takvih fakulteta.“
2. Pitanje postavljeno Vladi Federacije BiH i Vladi Zeničko-dobojskog kantona: „S obzirom da su podaci o zagađenosti zraka u Zeničko-dobojskom kantonu do kojih se došlo uz pomoć mobilne mjerne stanice Univerziteta u Zenici (UNZE) katastrofalni, što potvrđuje njen izvještaj, u kojem stoji da je od 1. 1. 2011. do 31. 12. 2011. utvrđeno prekoračenje od 322 sata, a prema propisima FBiH prekoračenje ne smije biti više od 24 sata u toku cijele kalendarske godine. Nadalje, 5.10.2011. imali smo „stanje uzbune“ jer su koncentracije SO₂ tri sata uzastopno bile preko 500 µg/m³, 6.10.2011. imali smo koncentraciju SO₂ duplo veću od granične vrijednosti, čak 1017 µg/m³, a općina Kakanj iz koje ja dolazim prednjači po pitanju zagađenosti zraka, postavljam pitanje: Kada će se preduzeti mjere koje će smanjiti koncentraciju polutanata (O₃, CO, SO₂, benzena ethylbenzena, M&P – Xylena, O – Xylena, toluena) i koncentracija lebdećih čestica (PM10)?“